

Riegádanbeaivi

Riegádanbeaivve olis sáhtta doallat rohkobottu dahje heivehit dán minstara.

Rohkobottu jođiha báhppa, searvegotti eará bargi dahje searvegotti lahttu.

Vilges liinniin gokčojuvvon beavddi ala sáhtta bidjat Biibbala ja ruossa dahje krusifivssa sihke cahkkehit gintala.

1. Sálbma

Sálmma sajis sáhtta leat eará musihkka. Álggahansálbman sáhtta geavahit ovdamearkka dihte sálmma 305 dahje 317).

2. Álggahus

Álgosivdnideapme

Buressivdnádusa lea vejolaš lohkat dahje lávlut (nuohtat, gč. s. 481).

B/O Áhči ja + Bártni ja Bassi Vuoiŋŋa nammi.

S Ámen.

B/O Min veahkki lea Hearrá,

S almmi ja eatnama sivdnideaddji.

DAHJE

B/O Hearrá lehkos dinguin.

S Nu son lehkos maddái du vuoiŋŋain.

Álggahansánit

Álggahansániid lea vejolaš ráhkadit ieš.

3. Biibbalsálbma

Sáhtta atnit maddái girkojagi čuovvu dahje eará biibbalsálmmaid.

Sálmmaid sajis lea vejolaš lávlut sálmma.

Biibbalsálmma sáhtta lávlut dahje lohkat. Biibbalsálmii laktojuvvo Uhca gudni. Dan sajis sáhtta atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Dat guđđojuvvo eret fástoáigge 5. fástoáiggi sotnabeaivvi rájes.

Mu váibmu lea dorvvolaš, Ipmil,
mu váibmu lea dorvvolaš.
Mun hálidan lávlut ja čuojahit.
Gohccá, mu siellu,
morit, mu hárpa ja lyra.
Mun hálidan boktit idedisroadi.
Mun dáhtun rámidit du, Hearrá, álbmogiid gaskkas,
ja máidnut du álbmogiid searvvis.
Dasgo du árbmugasvuohta ollá albmái,
du oskkáldasvuohta gitta balvvaid rádjái.
Ipmil, čájjet du allatvuoda almmis,
hearvásvuoda miehtá eatnama.

Sál 57: 8–12

DAHJE

Aivvefal Ipmila luhtte gávdná mu siellu ráfi,
sus boahtá mu bestojupmi.
Aivvefal son lea mu bákti ja mu bestojupmi,
mu ladni, in mun suoibbo.

Sál 62: 2–3

DAHJE

Du árbmu lea buoret go eallin.
Mu baksamat rámidit du.
Mun máinnun du oppa ealliman áiggi
ja lokten giedaidan du nammii.

Sál 63: 4–5

DAHJE

Don, Hearrá, leat mu doaivva,
nuorravuotán rájes mun lean dorvvastan dutnje, Hearrá.
Eatniheakka rájes don leat leamaš mu doarjja,
eadnán heakkas don gesset mu olggos.

Du mun álo máinnun.
Ale guode mu, Ipmil,
go mun boarásmuvan ja čurggodan.
Divtte mu gulahit du fámu
boahttevaš sohki.
Ipmil, du fápmu ja vanhurskkisvuohta ollá albmái.
Du dagut leat stuorrát, Ipmil, gii lea nugo don?
Sál 71: 5–6, 18–19

DAHJE

Rámidehket Hearrá, oppa eanan.
Bálvalehket Hearrá ilus,
bohtet su muoduid ovdii ávuin!
Dovdet ahte Hearrá lea Ipmil!
Son lea sivdnidan min, ja mii leat su,
su olbmot ja su sávzzat maid son geahččá.
Sál 100: 1–3

DAHJE

Dát lea dat beaivi man Hearrá lea dahkan,
ávvudehкот ja illudehкот!
Hearrá, beastte min!
Hearrá, divtte min lihkostuvvat!
Sál 118: 24–25

Uhca gudni

Gudni Áhččái ja Bárdnái
ja Bassi Vuignii,
nugo lei álggus, dál lea ja álo
agálašvuođas agálašvuhtii. Ámen.

4. Biibbalohkan

Lohkkojuvvo okta dahje moadde čuovvovaš čálabihtáin. Sáhtta atnit maiddái girkojagi čuovvu dahje eará čálabihtáid.

Lohkki almmuha čálasaji.

Jes 43: 1–3

Vái 3: 22–25

Fil 4: 6–7

Allet ane morraša mastege! Buktet baicca buot dárbbuideattet ovdan Ipmilii rohkadallamiin ja ánodemiin giitevašvuodain! De Ipmila ráfi, mii manná buot jierpmi badjel, várjala din váimmuid ja jurdagiid Kristusis Jesusis.

Kol 3: 15–17

RáddejeHKos Kristusa ráfi din váimmuin, dasgo dasa dii lehpēt rávkojuvvon ovttá ja seammá rupmaša lahttun. Ja lehket giitevaččat! Orros Kristusa sátni valljugasat din gaskkas. Oahpahehket ja cuiggodehket guhtet guimmiideattet buot viissisvuodain. Lávlot Ipmilii giitevaš váimmus sálmmaid, giittoslávlagiid ja vuoiŋŋalaš lávlagiid. Buot maid dii dahkabehtet, sániin dahje daguin, dahket dan Hearrá Jesusa nammii giittedettiin Ipmil Áhči su bokte.

1 Tess 5: 16–24

Lehket álo ilolaččat, rohkadallet heaittekeahttá, giitet Ipmila juohke dilis! Dát lea Ipmila dáhttu din hárrái Kristusis Jesusis. Allet čáskat Vuoiŋŋa, allet badjelgeahča profestastallama, muhto guorahallet buot ja dollet gitta das mii lea buorre, ja fasttášehket juohke lágán bahávuoda. Vare ráfi Ipmil basuhivččii din ollásit ja várjalivččii oppa din vuoiŋŋa, sielu ja rupmaša láitemeahttumin dassážiin go Hearrámet Jesus Kristus boahttá. Son guhte rávká din, lea oskkáldas; son maiddái dahká dan.

Herrámet Jesus Kristus ieš ja Ipmil, Áhččámet, gii lea ráhkistan min ja árpmustis addán midjiide agálaš jeddehusa ja buori doaivvu, jeddejekkos din váimmuid ja nannejekkos din nu ahte álo sárdnubehtet ja dahkabehtet dan mii lea buorre!

Ipmil lea ráhkisvuohta. Nu lea Ipmila ráhkisvuohta almmustuvvan min gaskii ahte son vuolggahii áidnoriegádan Bártnis máilbmái vai mii ealášeimmet su bokte. Ráhkisvuohta ii leat dat ahte mii leat ráhkistan Ipmila, muhto ahte son lea ráhkistan min ja vuolggahan Bártnis min sudduid soabahussan.

5. Vástáduš

Vástádussan sáhtá leat sálbma, lávlla dahje čuojanasmusihkka.
Mánga deavstta logadettiin biibballohkan sáhtá vurohallat vástádusain.

6. Sárdni

7. Giittossálbma

Sálbma sajis sáhtá leat eará musihkka.

8. Rohkosoassi

Vuorrorohkos

Vuorrorohkosa sáhtá lohkat dahje lávlut (nuohtta, s. 482)

B/O Leage rámiduvvon don, Herrá, Ipmileamet!

S Du lea buot, mii lea almmis ja eatnan alde.

B/O Herrá namma lehkos máidnojuvvon dálážiš gitta agálaš áigái!

S Lehkos Herrá namma máidnojuvvon.

Ovddasrohkos

Sáhttá atnit maiddá iešráhkaduvvon rohkosa.

B/O Rohkadallot.

1. Buotveagalaš Ipmil. Don leat stuoris árpmus ja rievdameahttun oskkáldasvuodas ja bisut seammán agálaččat. Du mii rámidit vássán jagiin, ilus ja morrašis ja buot buoris, maid leat juolludan midjiide. Atte ándagassii min bahá daguid, rihkkumušaid ja healbademiid. Veahket minge addit ándagassii duohta váimmus guhtet guoibmáseamet. Atte midjiide luohttevaš miela ja doaivvu buoret boahttevuodas. Várjal min buot várain. Oahpat min vuos oheat du riikka ja vánhurskkis dáhtu. Veahket min Bártnát Jesusa Kristusa namas lihkkat ja nohkkat. Du girjái leat beaivámet čállojuvvon. Go mañimušge dain lea nohkan, váldde min almmálaš riikii.
2. Ráhkis almmálaš Áhčči. Mii giitit du áiggis, man leat addán midjiide. Mii giitit vássán jagiin ja odná beaivvis. Giitu eallima attáldagain ja du fuollaatnimis. Giitu šerres ja buriin beivviin, giitu maid vuostegiedageavadiin, maida leat don ieš čihkkojuvvon ja mat šaddet min buressivdnádussan. Giitu lagaš olbmui, bearrašis ja ustibiin. Oro minguin juohke beaivve. Roahkasmahte min álo dorvvastit dutnje ja oheat fámu sánistat. Ipmil, mii giitit das, ahte árpmu ja ráhkisvuoda ája Kristusis lea nohkameahtun. Divššot ja áhpásmahte min árpmuinat. Gula min Bártnát namas.
3. Odne mii giitit du Ipmil, NN ja su riegádanbeaivve ovddas. Mii giitit eallima attáldagas, man don leat addán sutnje. Mii giitit gásttas, mas son váldojuvvui Ipmila mánnán ja searvegotti oktavuhtii. Mii giitit engeliin, geaid don vuolggahit láidet su čada eallima mánggaid mohkiid.
4. Giitu, Áhčči, olbmui, geat bukte buressivdnádusa NN mánnávuhtii ja adde dorvvu ja divššu. Giitu nuorravuoda jagiin, mat bukte odđa hástalusaid ja ustibiid. Giitu das, ahte rávis olmmožin mánggat barggut ja ráhkis olbmot leat riggudahttán eallima. Giitu morraša ja

lihku beivviin, eahkeda suoivaniin ja iditbeaivváža šerres suotnjariin. Odne mii rohkadallat maiddái NN oapmahaččaid ja ustibiid ovddas. Buressivdnit ja várjal sin.

5. Almmálaš Áhčči. Don válddát min vuostái buot vigiideametguin. Kristusis, Bártnistat, mii leat árpmihuvvon. Sus don oainnát min ráhkisin ja čáppisin. Divtte min callit duohtan du ráhkisvuoda ja illudit buot beivviid, mat leat ain min ovddas.

S Ámen.

Áhččámet

Herrá roHKOS celkojuvvo ovttá jítne.

S Áhččámet, don guhte leat almmis.
Basuhuvvos du namma.
Bohtos du riika.
Šaddos du dáhttu,
mo almmis nu maiddái eatnama alde.
Atte midjiide odne min beaivválaš láibbi.
Ja atte midjiide min sudduid ándagassii,
nugo miige ándagassii addit velggolaččaidasamet.
Alege doalvvo min geahččalussii,
muhto beastte min bahás eret.
Dasgo du lea riika ja fápmu ja gudni agálašvuhtii.
Ámen.

9. BuressivdnáduS

B/O BuressivdnideHKOS min buotveagalaš ja árbmugas Ipmil,
Áhčči ja (+) Bárdni ja Bassi Vuoigŋa.

S Ámen.

DAHJE

B/O Herrá buressivdnidivččii din ja várjalivččii din.

Herrá čuvgešii muođuidis didjiide

ja livččii didjiide árbmugas.

Herrá jorgalivččii muođuidis din beallái

ja attášii didjiide ráfi.

Áhči ja + Bártni ja Bassi Vuoiŋŋa nammii.

S Ámen.

10. Loahpahanmusihkka

Loahpahanmusihkkan sáhtta leat sálbma (ovdamearkka dihte 466, 468 dahje 485), lávlla dahje čuojanasmusihkka.